

## ADUNAY GITAWAG SA BIBLIA NGA KERUBIN, SERAPIN, ARKANGHEL, KINSA MAY MAS GAMHANAN NILANG TULO? TINUOD BA NGA ADUNAY ALIEN? UNSA MAN NANG UFO?

Ang “alien” sa lain pa kining pagkapulong “**extraterrestrial being.**” Ang “alien” o “**extraterrestrial being**” nagpasabot - **a being from another planet or another part of the universe.** Kon ato kining binasayon sa pagkasulti nagpasabot: usa ka binuhat o persona nga gikan sa laing planeta o gikan sa laing parte sa uniberso.

Ang **UFO** kon **U-F-O** usa kini ka abbreviation nga ang kahulogan mao kini: “*Unidentified Flying Object.*” Gitawag kinig “*Unidentified Flying Object*” tungod kay maglisod sila paghulagway sa maong butang nga naglupad kon unsa siya nga matang. Gituohan sa uban nga usa kono kini ka spacecraft nga gisakyan sa mga alien. Apan maglisod sila sa pag-identify kon unsa gayod kini nga butang. Mao nga gitawag kinig **UFO** (*Unidentified Flying Object*). Usa ka butang nga naglupad diha sa kawanangan nga dili nimo ma-identify pag-ayo kon unsa gayod kini nga matang. Mao nga gitawag kinig **U-F-O** (*Unidentified Flying Object*) tungod kay lisod man kaayo nimo kini ihulagway kon unsa kining butanga. Apan kon Biblia ang atong basihan mahibaloan gayod nimo kon unsa kini sila. Kon tun-an nimo pag-ayo sa Biblia, ang mahitungod sa mga anghel ilabina sa ilang mga buhat o trabaho ug sa ilang mga hitsura makasabot gayod ka kon unsa gayod kining gitawag sa mga tawo nga **U-F-O** kon **UFO** ug unsa usab kining gitawag sa mga tawo nga **alien**. Mao nga aron masabtan gayod nimo kini pag-ayo kon unsa gayod kining UFO ug tinuod ka ba kining alien, hisgutan nako pag-una ang mahitungod sa mga matang sa anghel aron masabtan nimo pag-ayo kining mahitungod sa alien ug UFO. Mao nga ako sa tubagon pag-una ang pangutana nga nag-ingon “**KERUBIN, SERAPIN, ARKANGHEL, KINSA MAY MAS GAMHANAN NILANG TULO?**” Ako kining tubagon pag-una, ug akong i-discuss kining tulo ka matang sa mga anghel aron masabtan nimo pag-ayo kining mahitungod sa **alien** ug kining mahitungod **U-F-O** kon **UFO**.

Sa Biblia, kon maghisgut kita mahitungod sa mga anghel, ang mabasa nimo sa Biblia nga gihisgutan mao lamang kining tulo: arkanghel, kerubin ug serapin. Wala kanay mabasa pa sa Biblia nga naghisgut pag laing matang sa anghel gawas sa arkanghel, kerubin ug serapin. Atong hinumduman nga pahero ra kini sila nga mga anghel, apan gitawag sila sa klaseklaseng ngalan nga arkanghel, kerubin ug serapin tungod kay nagpasabot kini sa ilang posisyon o ranggo sa ilang pagka-anghel. Pareho ra kini sila nga mga anghel, apan nagkalahi ang ilang mga posisyon o trabaho. Mao nga sa Biblia dunay gitawag nga anghel nga arkanghel, duna say gitawag nga kerubin, dunay say gitawag nga serapin. Sama pananglit niining mosunod nga mga bahin sa Biblia.

**Jude 1:9(NKJV)** “**Yet Michael the archangel, in contending with the devil, when he disputed about the body of Moses, dared not bring against him a reviling accusation, but said, ‘The Lord rebuke you!’**”

Ang unang bahin sa maong bersikulo nag-ingon “**Yet Michael the archangel.**” Kini nagpasabot nga usa siya ka anghel nga dakog awtoridad nga gihuptan o dakog posisyon nga anghel. Kini nagpasabot lamang gayod kanato nga ang mga anghel adunay mga ranking o ranggo nga gihuptan. Ang pag-ingon nga “**Michael the archangel**” nagpasabot usa siya ka pangulo sa mga anghel. Dako siyag gahom nga gihuptan o awtoridad nga gihuptan. Kon kinsa sa mga matang sa anghel ang naghupot ug dakong awtoridad mao kana ang mga anghel nga matawag nga naghupto ug dakong gahom. Ang anghel nga arkanghel naghupot siyag dakong awtoridad kay sa ubang matang sa anghel. Mao nga gitawag silag arkanghel sama ni Miguel. Mao nga kon basahon nimo kini sa hubad MBB gihubad kini nga “**pangulo sa mga anghel.**”

**Judas 1:9(MBB)** “**Si Miguel, ang pangulo sa mga anghel, wala gani maghimo sa ingon. Sa iyang pagpakig-away sa Yawa, sa dihang naglalis sila mahitungod sa**

lawas ni Moises, si Miguel wala magbugalbugal sa Yawa, apan igo lang miingon ‘Silotan ka unta sa Ginoo.’”

1

Ang unang bahin sa maong bersikulo nag-ingon “Si Miguel, ang pangulo sa mga anghel...” kini nagpasabot nga usa siya ka anghel nga dakog gahom o awtoridad nga gihuptan. Ang pulong **arkanghel** gihubad kini sa MBB nga “**pangulo sa mga anghel**” ug sa hubad AB gihubad kini nga “**ang manolunda nga punoan**”.

**Judas 1:9(AB)** “Apan si Miguel, ang manolunda nga punoan, sa iyang pakiglantugi batok sa yawa sa ilang panag-ilog sa lawas ni Moises, wala man gani siya mangahas sa paglitok ug mapasipalahong hukom batok kaniya, kondili miingon lamang, ‘Ang Ginoo magabadlong unta kanimo.’” Ang anghel nga arkanghel usa kini ka anghel nga dakog posisyon o gahom o awtoridad nga gihuptan. Kini nagpasabot lamang nga kining mga anghel nga arkanghel naghupot ug dakong gahom o dakong posisyon sa pagka-anghel. Mao nga mabasa nimo sa laing bahin sa Biblia nga si Miguel gitawag usab nga “**Ang gamhanang prinsipie.**”

**Daniel 12:1(MBB)** “Ang anghel nga nagsul-ob ug lino miingon, ‘Unya niadtong panahona, motungha si Miguel, ang gamhanang prinsipie nga maoy tigpanalipod sa imong katawhan...’” Kini nagpasabot lamang gayod kanato nga ang mga anghel adunay mga ranking o ranggo nga gihuptan. Ang pag-ingon nga “**Michael the archangel**” nagpasabot, usa siya ka pangulo sa mga anghel. Usa ka anghel dakog awtoridad o gahom nga gihuptan. Mao nga gitawag siyag gamhanang prinsipie. Ug atong hinumduman nga ang anghel nga arkanghel daghan kini sila. Usa lang si Miguel sa mga anghel nga arkanghel. Mao nga sa Daniel 10:13 gitawag siya nga “**usa sa mga dako-dako sa mga anghel.**”

**Daniel 10:13(MBB)** “Gibabagan ako sulod sa 21 ka adlaw sa anghel nga principe sa gingharian sa Persia; maayo gani kay mitabang kanako si Miguel nga usa sa mga dako-dako sa mga anghel.” Ang kataposang bahin sa maong bersikulo nag-ingon “**mitabang kanako si Miguel nga usa sa mga dako-dako sa mga anghel.**” Kini nagpasabot lamang gayod kanato nga ang mga anghel adunay mga ranking o ranggo nga gihuptan. Usa lang si Miguel sa mga anghel nga arkanghel. Mao nga gitawag siya nga usa sa mga dako-dako sa mga anghel. Mao kining matanga sa anghel nga mabasa nimo sa Biblia nga naghupot ug dakong gahom o awtoridad nga anghel. Naghatag ang Dios kanila ug dakong katungdanan kay sa ubang mga anghel. Mao kini ang usa sa mga matang sa anghel nga gihisgutan sa Biblia, kining gitawag nga arkanghel.

Lain pang matang sa anghel nga gihisgutan sa Biblia kining gitawag ug **mga serapin.**

**Isaias 6:1-3, 6(MBB)** “Sa tuig nga namatay si Hari Oseas, nakita ko ang Ginoo nga naglingkod sa usa ka tronong habog kaayo, ug ang iyang bisti nakalukop sa Templo. Ibabaw niya nagbarog ang mga serapin; may unom ka pako ang tagsatagsa kanila, gitabonan nila ang ilang nawong sa duruha nila ka pako ug ang ilang tiil sa lain nilang duruha ka pako, ug gigamit nila paglupad ang duha ka pako. (3)Nag-ingnanay sila: “Balaan, balaan, balaan ang Ginoo nga Labing Gamhanan; nalukop ang tibuok yuta sa iyang himaya. (6)Unya usa sa mga serapin milupad padulong kanako; nagdala siya baga, nga kinuha niya gikan sa halaran.”

Ang bersikulo 1-2 nag-ingon “Sa tuig nga namatay si Hari Oseas, nakita ko ang Ginoo nga naglingkod sa usa ka tronong habog kaayo, ug ang iyang bisti nakalukop sa Templo. Ibabaw niya nagbarog ang mga serapin; may unom ka pako ang tagsatagsa kanila, gitabonan nila ang ilang nawong sa duruha nila ka pako ug ang ilang tiil sa lain nilang duruha ka pako, ug gigamit nila paglupad ang duha ka pako.” Kining mga bersikuloha dayag kaayo nga naghisgut kanato mahitungod sa mga anghel nga serapin. Ug gihulagway dinhin nga ang mga anghel nga serapin adunay unom ka buok pako ang kada-usa kanila ug nagatindog sila sa ibabaw nga bahin sa trono sa Ginoo. Mao kini ang usa sa ilang functions o trabaho. Anaa sila sa ibabaw nga bahin sa trono sa Ginoo. Busa, dayag nalang kaayo nga ang Biblia

nagsulti kanato nga naa gayoy mga anghel nga gitawag mga serapin. Kini nagpasabot lamang nga ang mga anghel adunay mga ranking o ranggo nga ilang gihuptan. Aduna silay nagkalainlaing functions sa ilang trabaho nga gi-assign sa Dios kanila.

## 2

Lain pang matang sa anghel nga gihisgutan sa Biblia kining gitawag ug **mga kerubin. Genesis 3:24(ABMBB) “Gipapahawa sa Dios ang tawo ug gibutangan niya ang silangan sa tanaman sa Eden ug mga kerubin ug usa ka espada nga nagdilaab ug nagtuyoktuyok aon walay makaduol sa kahoy nga naghatag ug kinabuhi.”**

Mao kini ang unang higayon nga gihisgutan sa Biblia mahitungod sa anghel nga kerubin. Kini nagpasabot nga naa gayoy mga anghel nga gitawag mga kerubin.

Sa ato nang nahibaloan sumala sa libro ni Isaias nga ang mga anghel nga serapin adunay unom ka buok pako ang kada-usa kanila. Ug usa sa ilang functions o trabaho anaa sila nagatindog sa ibabaw nga bahin sa trono sa Ginoo. Apan ang mga anghel nga kerubin, usa sa ilang functions o trabaho, anaa sila sa ubos nga bahin sa trono sa Dios. Mao nga daghang mga bahin sa Biblia nga mabasa nimo sa klaro gayod nga ang Dios nagalingkod sa iyang trono ibabaw sa mga anghel nga kerubin. Nagpasabot, ang mga kerubin nga anghel anaa sa ubos nga bahin sa iyang trono. Mao nga gihulagway siya kanunay nga nagalingkod sa iyang trono ibabaw sa mga anghel nga kerubin. Sama pananglit niining mosunod nga mga bahin sa Biblia.

**2 Mga Hari 19:15(ABMBB) “Unya nag-ampo siya, ‘O Ginoo nga Dios sa Israel nga anaa maglingkod sa trono ibabaw sa mga kerubin. Ikaw lamang ang Dios nga naghari sa tibuok kalibotan ug maoy nagbuhat sa langit ug sa yuta.”**

Kining 2 Mga Hari 19:15 usa kini ka pag-ampo ni Hari Ezequias sa dihang nagpakitabang siya sa Dios tungod kay gihulga siya sa hari sa Asiria. Miingon siya sa iyang pag-ampo **‘O Ginoo nga Dios sa Israel nga anaa maglingkod sa trono ibabaw sa mga kerubin...’** Kini nagpasabot nga ang mga anghel nga kerubin anaa sa ubos nga bahin sa trono sa Dios. Samtang ang mga anghel nga serapin anaa sa ibabaw nga bahin sa trono sa Ginoo. Kini nagpasabot nga aduna silay nagkalainlaing functions sa ilang trabaho. Mao kini ang usa sa mga kalainan sa ilang trabaho. Kon serapin ka, anaa ka sa ibabaw nga bahin sa trono sa Dios. Ug kon kerubin ka anaa ka sa ubos nga bahin sa trono sa Dios. Iain pang bahin sa Biblia nga naghisgut nga ang Dios naglingkod sa iyang trono ibabaw sa mga kerubin.

**Salmo 80:1(ABMBB) “Pamatia intawon kami, O Magbalantay sa Israel; patalinghogi kami, ikaw nga nangulo sap anon ni Jose. Ikaw nga naglingkod diha sa imong trono ibabaw sa mga kerubin.”**

**Salmo 99:1(ABMBB) “Naghari ang Ginoo ug nangurog ang katawhan! Naglingkod siya sa iyang trono ibabaw sa mga kerubin...”**

**Isaias 37:15-16(ABMBB) “Unya nag-ampo si Ezequias, (16) ‘O Ginoo nga Labing Gamhanan, ang Dios sa Israel nga naglingkod sa trono ibabaw sa mga kerubin. Ikaw ray Dios sa tanang gingharian sa kalibotan, ug ikaw maoy naghimo sa langit ug sa yuta.”** Ang unang bahin sa bersikulo 16 nag-ingon **“O Ginoo nga Labing Gamhanan, ang Dios sa Israel nga naglingkod sa trono ibabaw sa mga kerubin.”**

Kini nagpasabot lamang gayod kanato nga sumala ni hari Ezequias ang Dios nagalingkod sa iyang trono ibabaw sa mga kerubin.

**Ezequiel 11:22(ABMBB) “Unya milupad ang mga kerubin uban sa mga ligid nga diha sa ilang kilid ug diha sa ibabaw nila ang silaw sa himaya sa Dios sa Israel.”**

Ang kataposang bahin sa maong bersikulo nag-ingon **“...ug diha sa ibabaw nila ang silaw sa himaya sa Dios sa Israel.”** Kini nagpasabot lamang gayod kanato nga ang mga kerubin anaa sa ubos nga bahin sa trono sa Dios. Mao nga ang silaw sa himaya sa Dios anaa sa ilang ibabaw tungod kay anaa man sila sa ubos nga bahin sa iyang trono. Kining mga bersikuloha dayag kaayo nga nagsulti kanato nga ang Dios

nagalingkod sa iyang trono ibabaw sa mga anghel nga kerubin. Kini nagpasabot lamang gayod kanato nga ang mga anghel adunay mga ranking o ranggo nga ilang gihuptan. Aduna silay nagkalainlaing functions sa ilang trabaho. Ug ang libro sa Ezequiel naghisgut usab mahitungod sa hulagway sa mga anghel nga kerubin.

## 3

**Ezequiel 10:8-10, 12-15, 21(ABMBB)** “Daw kamot ug tawo ang kamot sa mga kerubin nga diha sa ilalom sa ilang mga pako. (9)Unya nakita ko usab nga may upat ka ligid tupad sa mga kerubin, usa ka ligid sa matag kerubin. Ang mga ligid nagpangidlap sama sa dalag nga mahalong bato. (10)Managsama silang tanan ug daw ang mga ligid may lain pang ligid nga nagbabag sa sulod niini. (12)Ang tibuok nilang lawas, likod, kamot, pako, ug mga ligid nalukop sa mga mata. (13)Nadungog ko ang hinaguros sa ilang mga ligid. (14)May upat ka nawong ang matag binuhat: ang una nawong sa torong baka; ang ikaduha nawong sa tawo; ang ikatulo nawong sa liyon; ang ikaupat nawong sa agila. (15)Mao kini ang mga binuhat nga akong nakita daplin sa Suba sa Kebar. Unya mikayab ang mga kerubin. (21)Ang matag usa kanila may upat ka nawong, may upat usab ka pako ug ilalom sa matag pako nila adunay daw kamot sa tawo.” Kini nagpasabot nga si propeta Ezequiel gipakita sa Ginoo sa mga anghel nga kerubin ug dili kini mao ang unang higayon nga nakakita siyag mga anghel nga kerubin. Ang unang higayon nga gipakita siya sa Dios sa mga anghel nga kerubin mabasa nimo sa kapitulo 1.

**Ezequiel 1:5-8(ABMBB)** “Unya gikan sa taliwala sa unos, migula ang daw upat ka buhing binuhat. Sama silag hitsura sa tawo (6)apan ang matag usa kanila may upat ka nawong ug upat ka pako. (7)Tul-id ang ilang bitiis ug ang ilang tiil sama sa tiil sa baka ug naggilakgilak sila sama sa gipasinaw nga bronsi. (8)Ilalom sa matag pako may kamot nga iya sa tawo.” Dinhi sa kapitulo 1 gitawag sila ni Ezequiel nga upat ka buhing binuhat (four living creatures) tungod kay upat man sila kabuok nga nagdungag o nagkuyog paglupad. Sa kapitulo 10 gihisgutan na gayod niya nga mga anghel diay to nga kerubin.

Gihulagway gayod dinhi ang hitsura sa anghel nga kerubin. Ang bersikulo 21 sa kapitulo 10 nag-ingon “**Ang matag usa kanila may upat ka nawong, may upat usab ka pako ug ilalom sa matag pako nila adunay daw kamot sa tawo.**” Nagpasabot, upat ka buok nawong, upat kabuok pako, upat ka buok kamot. Mao kini ang hulagway sa mga anghel nga kerubin sumala sa nakita ni propeta Ezequiel. Ug sa bersikulo 9-14 sa kapitulo 10 nag-ingon pa gayod “**Unya nakita ko usab nga may upat ka ligid tupad sa mga kerubin, usa ka ligid sa matag kerubin. Ang mga ligid nagpangidlap sama sa dalag nga mahalong bato. (10)Managsama silang tanan ug daw ang mga ligid may lain pang ligid nga nagbabag sa sulod niini. (12)Ang tibuok nilang lawas, likod, kamot, pako, ug mga ligid nalukop sa mga mata. (13)Nadungog ko ang hinaguros sa ilang mga ligid. (14)May upat ka nawong ang matag binuhat: ang una nawong sa torong baka; ang ikaduha nawong sa tawo; ang ikatulo nawong sa liyon; ang ikaupat nawong sa agila.**” Ug ang bersikulo 7 sa kapitulo 1 nag-ingon “**Tul-id ang ilang bitiis ug ang ilang tiil sama sa tiil sa baka ug naggilakgilak sila sama sa gipasinaw nga bronsi.**” Mao kini ang hulagway sa mga anghel nga kerubin sumala gayod sa nakita ni propeta Ezequiel. Ug sumala usab ni propeta Ezequiel nga si Satanas ang gitawag kanhi nga Lucifer, usa diay siya ka anghel nga kerubin (Ezequiel 28:14-16, AB). Nagpasabot nga si Lucifer dili siya anghel nga arkanghel kondili anghel siya nga kerubin. Dako lang kaayo siyag garbo nga anghel. Atong gayong hinumduman nga sumala sa nakita ni propeta Ezequiel nga mao kini ang hulagway sa mga anghel nga kerubin. “**Upat ka buok nawong, upat kabuok pako, upat ka buok kamot. Ug ang kada-usa nila may ligid nga nagpangidlap, naggilakgilak sama sa mahalong bato. Ug ang ligid nila daw may lain pang ligid nga nagbabag sulod niini. Ang tibuok nilang lawas, likod, kamot, pako ug mga ligid nalukop sa mga mata. Tul-id ang ilang bitiis ug ang ilang tiil sama sa tiil sa baka ug naggilakgilak sila sama sa gipasinaw nga bronsi. Ug kon manglupad sila gahaguros ang ilang mga ligid.**” Mao kini ang giingon sa bersikulo 13 nag-ingon “**Nadungog ko ang hinaguros sa ilang mga ligid.**” Kini nagpasabot nga hilabihan kakusog ang tuyok sa ilang mga ligid, gahaguros pag-ayo. Mao nga ang mga anghel nga kerubin kon basahon nimo kini sa hubad AB gitawag sila nga **mga ligid, mga ligid nga nagatuyok.**

**Ezequiel 10:13(AB) “Mahatungod sa mga ligid, gitawag sila sa akong nabati, nga mga ligid nga nagatuyok.”** Kining gihisgutan dinhin nga **mga ligid** nagpasabot kini sa mga kerubin. Gitawag sila sumala sa nabati ni propeta Ezequiel nga **mga ligid, mga ligid nga nagatuyok** tungod kay kada-usa kanila may ligid man. Ug kon manglupad na sila ang maong mga ligid kusog kaayo nga magatuyok. Mao nga kon basahon nimo sa kini sa hubad NIV gihubad kini the **“the whirling wheels.”**

## 4

**Ezekiel 10:13(NIV) “I heard the wheels being called, “the whirling wheels.”**

Kini nagpasabot nga tungod sa kakusog sa tuyok o dagan sa ilang mga ligid daw alimpulos nimong tan-awon kay hilabihang kusoga. Ug sumala ni propeta Ezequeil nga ang ilang gikusgon sa ilang pagpanaw hilabihan ka kusog. Mao nga gihulagway ni propeta Ezequiel nga ang ilang pagpanaw sama kapaspas sa kilat.

**Ezequiel 1:14(ABMBB) “Ang mga binuhat nagnagadto-nganhi sama sa kapaspas sa kilat.**

**Ezequiel 1:14(AB) “Ug ang buhing mga binuhat mingdalagan ug mingbalik ingon sa dagway sa usa ka pagkidlap sa kilat.”** Gitawag dinhi ni propeta Ezequiel ang mga kerubin nga **mga buhing binuhat (living creatures)**. Mao nga dili ka matingala nga sa libro sa Gipadayag 4:6-7 naghigut mahitungod sa **upat ka buhing binuhat** nga ang ilang hitsura sama gayod sa hitsura sa anghel nga kerubin. Dinhi gihulagway gayod nga ang mga anghel nga kerubin hilabihan ka paspas kon sila mopanaw, daw sama sa kilat ang ilang kapaspas. Mao nga dili ka matingala nga daghang mga tawo nga nakakita sa gitawag nga UFO nga makita apan mawala lag kalit. Atong balikon ang mahitungod sa hulagway sa mga anghel nga kerubin sumala gayod sa nakita ni propeta Ezequiel aron masabtan gayod nato pag-ayo.

**Ezequiel 10:8-10, 12-15, 21(ABMBB) “Daw kamot ug tawo ang kamot sa mga kerubin nga diha sa ilalom sa ilang mga pako. (9)Unya nakita ko usab nga may upat ka ligid tupad sa mga kerubin, usa ka ligid sa matag kerubin. Ang mga ligid nagpangidlap sama sa dalag nga mahalong bato. (10)Managsama silang tanan ug daw ang mga ligid may lain pang ligid nga nagbabag sa sulod niini. (12)Ang tibuok nilang lawas, likod, kamot, pako, ug mga ligid nalukop sa mga mata. (13)Nadungog ko ang hinaguros sa ilang mga ligid. (14)May upat ka nawong ang matag binuhat: ang una nawong sa torong baka; ang ikaduha nawong sa tawo; ang ikatulo nawong sa liyon; ang ikaupat nawong sa agila. (15)Mao kini ang mga binuhat nga akong nakita daplin sa Suba sa Kebar. Unya mikayab ang mga kerubin. (21)Ang matag usa kanila may upat ka nawong, may upat usab ka pako ug ilalom sa matag pako nila adunay daw kamot sa tawo.”**

Mao kini ang hulagway sa mga anghel nga kerubin sumala sa nakita ni propeta Ezequiel nga **“Upat ka buok nawong, upat kabuok pako, upat ka buok kamot. Ug ang kada-usa nila may ligid nga nagpangidlap, naggilakgilak sama sa mahalong bato. Ug ang ligid nila daw may lain pang ligid nga nagbabag sulod niini. Ang tibuok nilang lawas, likod, kamot, pako ug mga ligid nalukop sa mga mata. Ug kon manglupad sila gahaguros ang ilang mga ligid daw kilat ang ilang kapaspas.** Kini nagpasabot lamang gayod kanato nga ang mga anghel dili sila pareho tanan ug hitsura. Ang anghel nga kerubin medyo lahig hitsura sa ubang mga anghel. Ang anghel nga kerubin medyo lahig hitsura sa ubang mga anghel. Nan, karon kon makakita kag binuhat nga ingon niini ang hitsura sama sa anghel nga kerubin nga naglupad diha sa kawanangan, ilabina kon upat ka buok nagkuyog paglupad, unya wala kay insaktong kahibalo sa Biblia mahitungod sa hitsura sa mga anghel, moingon gayod ka nga **UFO (Unidentified Flying Object)**. Usa ka butang nga naglupad diha sa kawanangan nga dili nimo ma-identify kon unsa. Mao nga gitawag nilag **U-F-O (Unidentified Flying Object)** tungod kay lisod man kaayo nimo kini ihulagway. Ang uban moingon nalang nga mga **alien** nga mibisita sa atong planeta tungod kay ang ilang hitsura dili man gayod taga kalibotan. Mao nga kon maglupad kining maong binuhat diha sa kawanangan, ang iyang hulagway sumama gayod sa mga gihulagway sa mga tawo nga nakakitag **UFO**. Mao nga daghan sa mga tawo nga nakakita moingon nga **U-F-O (Unidentified Flying Object)** o mga **alien** kay ang ilang hitsura dili man gayod taga kalibotan. Ug dili ka nga matingala nga karong panahona nga adunay daghang mga sightings nga ingon niini nga makita nimo diha sa kawanangan tungod kay sumala sa Biblia

dunay panahon nga sugoa sa Dios ang iyang mga anghel nga mosuroy sa tibuok kalibotan. Ug mabasa gayod nimo sa Biblia nga usahay magpakita sila sa mga tawo.

**Zacarias 6:5(AB)** “Ug ang manolunda mitubag ug miingon kanako: **Kini mao ang upat ka hangin sa langit, nga mopanaw gikan sa pagtindog sa atubangan sa Ginoo sa tibuok nga yuta.**” Ang pag-ingon nga “**Kini mao ang upat ka hangin sa langit...**” kini nagpasabot sa upat ka anghel nga diha gikan sa atubangan sa Ginoo nga gisugo sa Ginoo nga mopanaw ngadto sa tibuok yuta o tibuok kalibotan. Hinumdumi nga ang mga anghel gitawag silag **mga hangin** tungod sa pagkakusog nilang mopanaw ug tungod sa ilang hilabihan kasulaw mao nga gitawag usab silag nagdilaab nga kalayo.

5

**Hebreo 1:7(ABMBB)** “Ug bahin sa mga anghel, mao kini ang giingon sa Dios: **Gihimo sa Dios nga sama sa hangin ang iyang mga anghel, ug ang iyang mga sulogoon sama sa nagdilaab nga kalayo.**” Kini nagpasabot lamang gayod kanato nga kining gihisgutan ni Zacarias nga upat ka hangin nga gisugo sa Ginoo nga mopanaw ngadto sa tibuok yuta, mga anghel. Lain pang bahin sa Biblia nga sugoon sa Dios ang iyang mga anghel nga mopatrolya sa tibuok kalibotan.

**Zacarias 1:8-11(ABMBB)** “Usa ka gabii niana nakita ko ang usa ka tawo nga nagkabayog pulang kabayo taliwala sa mga kahoyng mirtol didto sa walog ug sa luyo niya may pula, puti ug kabang nga mga kabayo. (9)Unya gipangutana ko siya, ‘Unsa man kini sila? ‘Ang anghel nga akong gikasulti miingon kanako, ‘Sultihan ko ikawg unsa sila. (10)Kini sila mao ang gisugo sa Ginoo sa pagpatrolya sa tibuok kalibotan. (11)Ug mitaho sila ngadto sa anghel, ‘Nalibot na namo ang kalibotan ug nakita namo nga kini walay timik ug mao sa gihapon.”

Kini dayag nga nagsulti kanato nga duna gayoy panahon nga sugoon sa Ginoo ang iyang mga anghel nga mopatrolya sa tibuok kalibotan. Atong hinumduman nga ang mga anghel mga sundalo kini sila sa Dios. Mao nga dili ka matingala nga sugoon sila usahay sa Dios sa pagpatrolya sa tibuok kalibotan kon unsa na dagan sa mga tawo sa kalibotan. Samot nga karon nga hapit na gayod mobalik ang Ginoo. Hinumdumi nga ang sugoon sa Ginoo sa kataposang panahon aron tapokon ang tanang tawo sa kalibotan sa iyang atubangan mao ang mga anghel.

**Mateo 13:39-42(ABMBB)** “Ug ang kaaway nga nagsabod sa mga sagbot mao ang Yawa. Ang pagpangani mao ang kataposan sa kalibotan ug ang tig-ani mao ang mga anghel. (40)Sama nga ang mga sagbot hiposon ug sunogon, mao usab kini ang mahitabo sa kataposan sa kalibotan. (41)Ipadala unya sa Anak sa Tawo ang iyang mga anghel. Hiposon nila gikan sa iyang gingharian ang tanan nga maoy nakaangin sa mga tawo sa pagpakasala, lakip ang tanan nga nagbuhat ug daotan.”

Kini nagpasabot lamang gayod kanato nga ang mga anghel dako kaayog role sa kataposang panahon, sa panahon nga magsilot na ang Dios sa kataposan sa kalibotan. Sa dihang ilain na sa Dios ang daotan ug ang mga matarong. Mao nga sa libro sa Gipadayag kanunay naghigut mahitungod sa trabaho sa mga anghel sa kataposang panahon.

**Gipadayag 14:15-18(ABMBB)** “Unya may laing anghel nga migula sa templo ug misinggit kaniya nga naglingkod sa panganod, Galaba ang alanihon kay miabot na ang hustong panahon. Hinog na ang alanihon sa kalibotan. (16)Busa gibalab sa naglingkod sa panganod ang alanihon ug gianihan ang kalibotan. (17)Unya nakita ko ang laing anghel nga migula sa templo didto sa langit ug may dala usab siyang hait nga sanggot. (18)Ug may lain pa gayong anghel nga migula gikan sa halaran; siyay nagbantay sa kalayo. Misinggit siya sa anghel nga nagdalag hait nga sanggot, ‘Gamita ang imong sanggot ug abisa ang mga ubas sa parasan sa kalibotan kay hinog na kini!’”

Kini nagpasabot lamang gayod kanato nga ang mga anghel dako kaayog role sa kataposang panahon, sa panahon nga magsilot na ang Dios. Sa dihang ilain na sa Dios ang daotan ug ang mga matarong. Mao nga sa libro sa Gipadayag kanunay nimong mabasa nga naghigut mahitungod sa trabaho sa mga anghel sa kataposan sa kalibotan. Kay sila man ang sugoon sa Dios sa pag-ani sa kalibotan. Mao nga dili ka matingala nga karong mga panahona dunay mga daghang sightings nga makita diha sa kawanangan nga daw katingalahan nga gitawag sa mga tawo nga U-F-O o alien, apan kon Biblia ang imong pasultihon ma-identify nimo kon kinsa sila.

Busa, ang mga anghel nga moanhi sa kalibotan '*they can be called aliens because they are beings not of the earth.*' Pareho ra gud na sa mga foreigners nga moanhi sa Pilipinas tawgon sila nga alien tungod kay dili man sila Filipino citizen. Busa, kon ang anghel moanhi sa kalibotan matawag gihapon kinig alien kay dili man gayod siya taga-kalibotan. Ug kanang gitawag sa mga tawo nga UFO kon Biblia ang atong basihan, mga anghel kini sila nga mipatrolya sa kalibotan. Mao nga ang mga anghel nasayod sa tanang mga butang nga ania sa kalibotan.

**2 Samuel 14:20(ABMBB) “Gibuhat kini sa imong sulugoon nga si Joab aron pag-usab sa lakat sa mga butang karon. Apan may kaalam ka, Kamahalan, sama sa kaalam sa anghel sa Dios sa pag-ila sa tanang mga butang nga ania sa kalibotan.”**

Kini nagpasabot nga ang mga anghel nasayod sa tanang mga panghitabo nga ania sa kalibotan kay duna may panahon nga sugoon sila sa Dios magpatrolya sa kalibotan